

die my gheschapen heuest en vloest  
 myt dynen edelen bloede en laet  
 my niet worden verdoemt den du  
 van niet heuest ghemaket **W** gue-  
 de Jesu om myne boesheitlen verlie-  
 se my niet den dijne almachtighe  
 guetheit heuet ghemaket **W** gue-  
 de Jesu bekenne in my dat dijne  
 is ende doe off dat vreemde is i my  
**W** guede Jesu ontferm dy mynre  
 alst tyt is toe ontfermen. ende en  
 verlies my niet in die tyt des ordels  
**W** guede Jesu al hebbe ick arme so-  
 derfche verdient van dynre waer-  
 achtighe rechtueerdich<sup>e</sup> die ewige  
 pijn voer myne sware sonde noch  
 wil ick myne sake an dy beroepe  
 betruwende van dijne ware recht-  
 ueerdich<sup>e</sup> toe dijne onspreekelike  
 barmhertich<sup>e</sup> **Du** salste dy mynre  
 ontfermen als een milde vader en  
 als een barmhertich here **W** guede